

Ár 1983, miðvikudaginn 9. nóvember, var í málinu nr. 6/1983 kveðinn upp af Yfirfasteignamatnefnd svohljóðandi

ú r s k u r ð u r :

Málavextir eru þeir, að með bréfi, dags. 30. júní 1983, óskaði oddviti Auðkúluhrepps eftir úrskurði nefndarinnar um það, hvort Orkubúi Vestfjarða væri skylt að svara fasteignaskatti af íbúðarhúsum við Mjólkárvirkiun.


Ef niðurstaða nefndarinnar yrði sú, að Orkubúi Vestfjarða væri ekki skylt að greiða skatt þennan, þá var jafnframt óskað eftir úrskurði nefndarinnar um það, hvort starfsmönnum við virkiunina, sem í húsnæðinu byggju, væri skylt að svara nefndum skatti.

Fyrir liggur umsögn Orkubús Vestfjarða og mótmælir það skattskyldu sinni.


Samkvæmt því, sem fyrir liggur, er umrætt húsnæði í eigu Orkubús Vestfjarða. Samkvæmt 13.gr. laga nr. 66/1976 er Orkubú Vestfjarða undanþegið sköttum til ríkis og sveitarfélaga. Er Orkubúi Vestfjarða því ekki skylt að svara fasteignaskatti af umræddu húsnæði. Eigi er lagaheimild til að krefja notendur húsnæðisins um greiðslu fasteignaskatts af því, sbr. 2.málsgr. 4.gr. laga nr. 73/1980 um tekjustofna sveitarfélaga.

ú r s k u r ð a r o r ð :


Ofangreindum aðilum er eigi skylt að svara fasteignaskatti af íbúðarhúsum þeim er í málinu greinir.



Gaukur Jörundsson



Pétur Stefánsson



Guðmundur Magnússon